

## Publicaziun FUS per ils 07 d'avrel 2017

### Damonda da baghegiar nr. 14/17

Datum da publicaziun:           ils 07 d'avrel 2017

Proprietaris:                    Adrian + Natalia Deplazes-Schmid  
                                      Via Tumvi 31  
                                      7163 Danis

Object:                            Parcadi avon la casa e Tujas ca. 30 tocs, parcella 4280, Tumvi,  
                                      Danis

La damonda da baghegiar ei exponida sin canzlia communal. L'investa publica cuoza 20 dis dapi il datum da publicaziun.

**Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.**

**Suprastonza communal Breil**

### Preavis - Cussegl da vischnaunca

La proxima sesida dil cussegl da vischnaunca vegn fixada sin **gliendisdis, ils 24 d'avrel 2017 dallas 20.00 uras en stanza da vischinadi a Danis/Tavanasa.**

**Suprastonza communal Breil**

### Communicaziun

Ord pliras annunzias ha la suprastonza communal elegliu Jorge Marques Ferreira dos Santos, sesents a Breil sco niev pedel dalla scola Breil e Dardin. Il Jorge entscheiva siu engaschi tier nus ils 12 da zercladur 2017. Cordial beinvegni.

**Suprastonza communal Breil**

## **Temps da vacanzas Carta d'identitad**

Per schar far ina nova carta d'identitad ston ins quintar cun in temps da spetga da 7 tochen 10 dis.

Affons naven da 7 onns ston era suttascriver il formular d'annunzia ensemen cul bab ni la mumma. Naven da 14 onns vegn la grondezia dils affons era surprida silla carta.

**Nus lein far attents, che mintgin sto vegnir persunalmein sin canzlia per dar la suttascripziun (la damonda vegn tschentada electronic).**

Sch'il pass cuora medemamein giu il proxim temps dat ei era la pusseivladad da far ina cumbinaziun d'empustaziun pass e carta d'identitad. Gliez ei denton mo pusseivel da far giu Cuera "Ausweiszentrum Chur, Gäuggelistrasse 7, 7002 Chur".

**Administraziun communal Breil**

## **ADATG! Midadas d'adresa enteifer la vischnaunca**

Tgi che mida dimora enteifer la vischnaunca ei obligaus d'annunziar quei **enteifer 8 dis** all'administraziun communal. Nus stuein informar divers uffecis (taglia, militer eav.) e perquei eisi impurtont che buca mo la posta vegni informada, mobein era la vischnaunca.

**Ils giuvenils che laian tarmetter vinavon la posta a casa tiels geniturs ein tuttina obligai da dar atras alla vischnaunca l'adresa nova. Tier la controlla da habitonts eisi impurtont nua che la persuna sesanfla e buca nua che la posta va.**

Nus supplichein da prender enconuschientscha ed engraziein per la collaboraziun.

**Administraziun communal Breil**